

dobilo modernu i kvalitetnu vodovodnu mrežu

Grad Goražde je konačno dočekaao dugoočekivani završetak radova na rekonstrukciji i sanaciji kompletne vodovodne mreže, a sve zahvaljujući upornom trudu i radu načelnice Karović-Kersting i vijećnika stranke Naprijed! Ovim je riješena višedecenijska problematika snabdijevanja vodom koja je opterećivala stanovnike ovog područja. Ovaj veliki projekat nije samo tehnički poduhvat već simbol predanosti lokalnih vlasti u poboljšanju kvaliteta života građana.

Općinska administracija je pokazala svoju odgovornost i spremnost da se uhvati u koštac s ovim izazovom kroz intenzivnu komunikaciju i koordinaciju s nadležnim kantonalnim vlastima. Ova suradnja nije bila jednostavna, ali je, kroz zajednički napor i posvećenost, rezultirala konkretnim rješenjem koje će donijeti dugoročnu korist stanovnicima Goražda. Posebno se ističe partnerstvo s Javnim preduzećem za komunalne djelatnosti „6. mart“, koje je bilo ključno u iznalaženju adekvatnog i trajnog rješenja za problem vodosnabdijevanja.

Nova vlast pokazala je da ima sluha za inicijative i zahtjeve svojih građana, te je dokazala svoju spremnost i odlučnost da aktivno utječe na



foto:www.savokusic.com

kvalitet njihovog svakodnevnog života. Vodovodna mreža, koja je godinama bila izvor frustracija i neizvjesnosti za stanovnike, sada je modernizirana i funkcionalna, što će značajno poboljšati uslove života i doprineti stabilnosti u snabdijevanju vodom.

Ovaj uspjeh predstavlja samo jedan od koraka ka unapređenju infrastrukture u Goraždu, ali je i važan pokazatelj koliko je značajna uloga lokalne

samouprave u rješavanju problema koji direktno utiču na svakodnevni život građana. S ovim projektom, Goražde ulazi u novu fazu razvoja, gdje su potrebe stanovnika na prvom mjestu, a općinske vlasti odlučne u namjeri da osiguraju uslove za dostojanstven i kvalitetan život svih svojih građana.

Priče sa kojima se ponosimo

Poljoprivrednici iz okolnih sela, odnosno mjesnih zajednica Grada Goražde, postali su ključni akteri u procesu donošenja odluka i ostvaruju značajne koristi od ekonomskog razvoja. Općinska administracija Grada Goražda, predvođena gradonačelnicom Lejlom Karović-Kersting, uspješno je skrenula pažnju na ključne demografske izazove, posebno u ruralnim područjima gdje je opstanak stanovništva bio ugrožen.

Danas, nekada zapostavljena sela, postaju atraktivna mjesta za život i rad, ne samo zbog svoje idilične prirode i manjeg zagađenja, već i zbog unapređene infrastrukture i poboljšanih uslova za svakodnevni život. Osigurana je bolja prometna povezanost, razvijena infrastruktura, te povećane mogućnosti zapošljavanja. Posebna pažnja posvećena je dostupnosti usluga, uključujući veterinarsku službu, zdravstvene ustanove i škole.

Poljoprivrednici Goražda u centru ruralnog razvoja



Općinska administracija, kroz samoinicijativne razgovore, vlastite projektne prijedloge i čvrstu saradnju s Ministarstvom za privredu, otvorila je put ka konkretnim poduhvatima za brži razvoj i unapređenje poljoprivrede.

Fokus je stavljen na održiv razvoj lokalne zajednice, putem osmišljenih strategija poljoprivredne proizvodnje koje ne narušavaju prirodne resurse, ali istovremeno generiraju značajne prihode za poljoprivredne proizvođače. Aktivno uključivanje poljoprivrednika u donošenje odluka osigurava da njihove potrebe i prioritete budu uvaženi, čime se stvara povoljan ambijent za dalji ekonomski napredak ovih zajednica.

Nova saobraćajna infrastruktura u Goraždu



foto: startbih.ba

U saradnji s nadležnim kantonalnim vlastima, Grad Goražde kontinuirano radi na realizaciji nekoliko ključnih saobraćajnih projekata od velike važnosti za unapređenje infrastrukture i poboljšanje kvaliteta života građana.

Ovi projekti obuhvataju izgradnju novih parking prostora, sanaciju postojećih, kao i razvoj pješačkih i biciklističkih staza koje povezuju industrijske zone grada.

Grad Goražde redovno obavještava građane o trenutnom statusu radova. Transparentnost u komunikaciji omogućava stanovnicima da budu informirani o predstojećim promjenama koje će utjecati na njihovu svakodnevicu. Izgradnja novih parkinga smanjuje gužve i poboljšava pristupačnost u urbanim područjima, dok sanacija postojećih parking prostora doprinosi sigurnosti i funkcionalnosti postojećih kapaciteta.

Povećana pažnja posvećena je i razvoju pješačkih i biciklističkih staza koje povezuju ključne industrijske zone sa centrom grada. Postavljanje dodatnog broja semafora u ključnim tačkama grada također pomaže u regulaciji saobraćaja. Modernizacija saobraćajne infrastrukture direktno poboljšava kvalitetu života. Unapređenjem parkinga, razvojem staza za pješake i bicikliste te efikasnijim regulisanjem saobraćaja, građani dobivaju bolju povezanost i veću sigurnost, što olakšava kretanje kroz grad i smanjuje stres.

Priče sa kojima se ponosimo

Izvršena sistematska reorganizacija rada Gradske uprave

Gradsku upravu Goražde, na čelu s gradonačelnicom Lejlom Karović-Kersting, karakterizira visoka efikasnost, pouzdanost i ozbiljnost u radu. Sistematska reorganizacija radnih mjesta donijela je značajna poboljšanja u funkcionalnosti, čime je omogućila efektivniji rad uposlenika. Ovaj proces je rezultirao poboljšanjem servisa prema građanima, smanjenjem nepotrebne administracije i optimizacijom operativnih postupaka. Uposlenici se strogo pridržavaju utvrđenih radnih sati, čime osiguravaju maksimalnu dostupnost i kvalitetnu uslugu za sve korisnike. Njihovo profesionalno ponašanje i posvećenost doprinose jačanju povjerenja građana, čime Gradsku upravu čine pouzdanim partnerom u svakodnevnim potrebama i zahtjevima zajednice.



foto: sarajevotimes.com

Smanjen broj pasa lualica u Goraždu



foto: crnahronika.info

Grad Goražde aktivno ulaže napore ka trajnom rješenju problema nekontrolisanog porasta broja pasa lualica, što predstavlja značajan izazov za sigurnost građana i brigu o životinjama. Postoji mnogo načina za rješavanje ovog problema, a jedan od najefikasnijih je projekat besplatnih kastracija i sterilizacija, koji se već uspješno sprovodi sistematski. Gradska administracija postavila je za prioritet fizičku sigurnost građana, ali i human odnos prema životinjama, u skladu sa Zakonom o zaštiti dobrobiti životinja.

Zbog širine problema koji zahvata i susjedne općine, ostvarena je koordinacija s općinama Foča, Višegrad i Rogatica. Zajednički rad sa nadležnim organima, veterinarskim stanicama i institucijama koje zbrinjavaju napuštene pse, pokazao je pozitivne rezultate. Osim toga, kontinuirana edukacija stanovništva o pravilnom držanju kućnih ljubimaca i zaštiti životinja od mučenja, dodatno je smanjila broj napuštenih pasa.

Zahvaljujući angažmanu načelnice Karović-Kersting te uz pomoć vijećnika stranke Naprijed!, broj pasa lualica značajno je smanjen, a potreba za medicinskim zahvatima poput kastracije i sterilizacije je sve manja. Ovaj primjer pokazuje kako zajednički međuopćinski i međuentitetski projekti mogu doprinijeti ne samo lokalnom, već i regionalnom poboljšanju kvaliteta svakodnevnog života.

Obraćanje kandidatkinje za gradonačelnicu Lejla Karović-Kersting

Poštovani sugrađani i sugrađanke, vijesti koje sada čitate dolaze iz budućnosti, iz 2028. godine, i predstavljaju viziju za grad Goražde koju je kreirao tim Pokreta NAPRIJED - Goražde.

Ovu viziju ćemo ODLUČNO provoditi, zajedno s mojim kolegama s liste i ja. Naša predanost ovoj misiji je neupitna, i radimo na stvaranju realnih i ostvarivih ciljeva koji će donijeti stvarne promjene za naš grad.

Vizija je razvijena na temelju izjava i potreba anketiranih stanovnika Goražda. Ovaj princip uvažavanja građanskih mišljenja bit će osnova našeg strateškog djelovanja nakon što dobijemo vaše povjerenje. Verujemo da samo zajedničkim radom možemo stvoriti održive i kvalitetne promjene.

Unatoč postojećim preprekama i novim izazovima, naš krajnji cilj ostaje pravično i transparentno upravljanje resursima grada Goražde. Vjerujemo da je opća dobrobit jedina pravična dobrobit za sve građane pojedinačno i složno ćemo raditi na njenom ostvarivanju. Naša predanost će biti usmjerena na osiguranje transparentnosti i odgovornosti u svakom koraku našeg rada.



Kreiranje održive politike moguće je samo uz konkretnu participaciju svih pojedinaca. Stoga, očekujemo vaš aktivan angažman u kreiranju budžeta i donošenju odluka koje će utjecati na vašu zajednicu. Vaše potrebe i prijedlozi bit će naša obaveza, i želimo omogućiti svakom građaninu da prati status vlastitih prijedloga putem naše aplikacije i web stranice grada Goražda. Na taj način bit ćete u mogućnosti pratiti napredak i razvoj vaših ideja i prijedloga u stvarnost.

Pored toga, koristit ćemo sve dostupne alate kako bismo osigurali da rješavanje problema izvan naše nadležnosti bude obvezujuće drugim odgovornim instancama. Naša posvećenost će uključivati rad sa svim relevantnim institucijama i partnerima kako bismo osigurali da se svi izazovi adresiraju na pravilan način.

Na ovaj način želimo učiniti grad Goražde mjestom gdje će se svi osjećati uvaženi i dostojanstvenim građanima, aktivnim kreatorima vlastitog napretka i prosperiteta.

Vaša podrška našem timu i meni je prvi, a ujedno i odlučujući korak ka realizaciji ove vizije. Samo NAPRIJED za grad Goražde!

Obraćanje nositeljice liste za Goražde Amine Alihodžić

Poštovani sugrađani, ja sam Amina Alihodžić, kandidatkinja za Gradsko vijeće Grada Goražda i nositeljica liste stranke Naprijed!

Rodena sam 1990. godine u Goraždu, gdje sam završila osnovnu i srednju školu. Nakon toga, diplomirala sam politologiju na Univerzitetu u Sarajevu.

Kroz svoju karijeru stekla sam značajno iskustvo i znanje. Kao kolumnistica i stipendistica Deutsche Welle Akademije u novinarstvu i digitalnom marketingu, razvila sam vještine za razumijevanje složenih društvenih i političkih tema.

Trenutno radim u Pobjedi Technology u Goraždu u sektoru komercijale, gdje stičem dragocjeno poslovno iskustvo. Također, dugogodišnje iskustvo u nevladinom sektoru, posebno u projekt menadžmentu, omogućilo mi je razvoj vještina vođenja i implementacije važnih projekata.

Do sada nisam bila politički aktivna jer sam, poput mnogih, smatrala politiku nemoralnom i prljavom, sredstvom za lično napredovanje i nepotizam. Međutim, shvatila sam da za pozitivne promjene moramo krenuti od sebe i aktivno se uključiti u društvene i političke procese. Stranka Naprijed, na čelu sa Šemsudinom Mehmedovićem, predstavlja alternativu dosadašnjim politikama i opciju s kojom se svaki bh. pojedinac može poistovjetiti.

Nadam se da će moj angažman inspirirati druge mlade ljude i žene da se uključe u političke procese i rade na izgradnji bolje budućnosti. Čekanje na druge ne donosi promjene; samo aktivnim angažmanom možemo stvoriti razliku.

Vjerujem u mlade, obrazovane ljude koji su posvećeni općem dobru, a ne ličnim interesima. Konstatovati neuspjeh je lako, ali raditi na rješenju u okviru naših mogućnosti je pobjeda. Znanje, rad i trud su ključni za promjene. Aktivizam je moć!

Kao majka dviju djevojčica, želim im pružiti bolje djetinjstvo, što me dodatno motivira za rad u Gradskom vijeću. Fokusirat ću se na poboljšanje uslova za djecu i mlade, uključujući uređenje zelenih površina, parkova i više edukativnih sadržaja, te raditi na podršci ranjivim kategorijama društva.

Moj cilj je unaprijediti kvalitet života svih građana Goražda kroz vječničke inicijative.

Ovi ciljevi odražavaju moje uvjerenje u potrebu za pozitivnim promjenama u našem gradu. Uz vašu podršku, nadam se da ćemo zajedno graditi bolje

Goražde za sve nas.

Goražde zaslužuje da ide NAPRIJED!

Mehmedović: Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!

Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.

E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!

Zvijezde, koraci i novi početak: Otkrijte simboliku logotipa NAPRIJED!

Logo NAPRIJED! sastoji se od dva elementa: čovjeka i zvjezdica.

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7
71 000 Sarajevo
info@naprijed.ba
033/862 535
www.naprijed.ba